

ATIA

A haya e oportunidad di forma parti di un debate di ILO na Suiza

Di 21 pa 29 mei e Organización Internacional Laboral, esta International Labor Organization (ILO) a tene un curso/debate riba labor y maneho social cual a tuma lugá na Geneve, Suiza. Un total di 24 país di diferente conti-



nente a forma parti, entre nan representantenan di trahado, empleado y gobierno.

Director di ATIA Igmarr Reyes a representa empleadonan riba e plataforma internacional aki. Pa por a bini na remarca experiencia di trabou y estudio académico tabata rekisitonan determinante pa por forma parti di e debatenan di ILO. Sr. Reyes no ta un desconoci den nos comunidad, un sociólogo y hurista specialisa riba labor y negoshi, tabata tin e honor pa representa Caribe y Latino America y di por a debati cu 23 otro país riba topiconan actual y importante manera: política di empleo, cadena di suministro global, formalización di empleo informal, desempleo hubenil, compe-

tencia, salario mínimo y estadística.

Riba último día Igmarr Reyes a tene un presentación pa tur esunnan presente na Geneve riba e tópico di futuro di trabou, seguridad social y desafionan financiero. Na final a bin resulta cu tur paisnan presente a scoge Sr. Reyes su presentación como esun di mas miho. Ekipo di administración di ILO a duna di conoce tambe cu Sr. Reyes su presentación tabata hopi puntual y crítico. Riba e potret por mira Sr. Reyes haya un reconocimiento pa su tremendo presentación.

E directiva di ATIA ta contento y satisfecho di mira cu Igmarr Reyes a sa di destaca riba un plataforma internacional asina importante.



ATIA lo continua cu su bon relacionnan internacional. E luna aki presidente di ATIA, Sr. Michel Henriquez, a wordo invita pa International Organisation of Employers (IOE) pa tene un discurso riba negoshi sostenibel na Barbados. Na september ATIA lo bay forma parti tambe di un estudio riba ILO su tópico di Protección Social na Turin, Italia. ATIA no sola-

mente ta representa interés di comercio aki na Aruba pero ta activo internacional tambe. Lasonan cu instancianan internacional ta crucial y como tal ATIA ta satisfecho di wak cu e organización ta wordo reconoci internacionalmente y ta forma parti di actividadnan educacional cu ta contribui na mas sabiduría y profesionalismo di tareanan di ATIA. □